

Biografija - Dr. pravnih nauka Mirnes Ajanović

Dr. pravnih nauka Mirnes Ajanović

Dr. pravnih nauka Mirnes Ajanović, rođen je 1964. godine. Završio je na Filozofskom fakultetu Pedagoški smjer, posjeduje i diplomu pravnika upravno-pravnog smjera, diplomiranog pravnika opšteg prava, pravnu specijalizaciju krivično-pravosudnog prava sa specijalističkim radom iz 2008. godine pod nazivom *“Aspekti položaja optuženog i njegovog branitelja i novi procesni instituti u reformisanom krivično-pravnom zakonodavstvu”*.

Magistarski rad odbranio je 2014. godine na temu *“Sloboda izražavanja u jurisprudenciji Evropskog suda za ljudska prava i nacionalnih ustavnih sudova”*. Mirnes je danas, **20. decembra 2024. godine**, uspješno doktorirao na temu ***“Reforma pravosuđa u Bosni i Hercegovini sa posebnim aspektom na pravo na pravično suđenje”***.

Posjeduje položen državni pravosudni ispit i po zanimanju je advokat sa dugogodišnjim iskustvom, vodeći samostalnu advokatsku kancelariju u Tuzli. Od 2007. godine zastupao je klijente u svim vrstama krivičnih, prekršajnih, građanskih, upravnih i privrednih slučajeva.

Raskrinkao je brojne pokvarene političare. Aktivnostima u zakonodavnim institucijama sačuvao je višemilionsku državnu imovinu, a oko 200 miliona KM je sačuvano usvajanjem zakona kojim je zabranjeno vraćanje stanova agresorskim oficirima i pored prijetnje međunarodnih zvaničnika iz OSCE-a, za vrijeme dok je Šef misije u BiH bio kompromitovani Robert Beri, da će u slučaju nastavka kampanje za usvajanje zakona dobiti trajnu zabranu političkog djelovanja, a da će se zabraniti djelovanje i BOSS-a.

Nikada niko ni jednu izgovorenu riječ ili izneseni dokaz od strane Mirnesa Ajanovića nije mogao demantovati, a opšte poznato je da je ubjedljivo najaktivniji izabrani zvaničnik u svim zakonodavnim tijelima u kojima je izabran. Zbog toga je bio pod napadom montiranih procesa i klevetničkih hajki angažovanih medija. Presudama u svim predmetima koji su vođeni po tužbi Mirnesa Ajanovića za sve klevetničke napade, pred opštinskim i kantonalnim sudovima, Vrhovnim sudom Federacije BiH, pa i odlukama Ustavnog suda BiH, dokazao je da ni jedna napisana ili izgovorena riječ koja je imala namjeru kompromitovanja Mirnesa Ajanovića – nije bila istinita.

U zakonodavnim institucijama učestvovao je u radnim tijelima za zaštitu ljudskih prava i sloboda. Poslanik u Predstavničkom domu Parlamenta FBiH tri mandata, a u Gradskom vijeću Tuzla pet mandata vijećnik i predsjednik Komisije za zaštitu ljudskih prava i

sloboda, podpredsjednik Komisije za statutarna pitanja i propise i predsjednik Etičkog odbora Gradskog vijeća Tuzla.

Posjeduje međunarodnu pilotsku dozvolu, a na državnom aero-reli takmičenju u BiH 2008. godine osvojio je tri prva mjesta i u generalnom plasmanu je bio državni prvak. Aktivno se bavi borilačkim sportovima.